

連江縣志

土地部

建置志

連江本閩東北温麻地閩之先自夏少康封次子無餘於會稽地實隸之周禮象胥掌蠻夷閩溪戎狄之屬此稱閩所始種凡有七在周為七閩春秋時併歸越國越王無疆為楚所滅戰國屬楚秦滅楚分為閩中郡漢興封無疆七世孫無諸王於此是為閩越厥後王郢擅攻擊漢兵討之其弟餘善殺郢繇王居股又殺餘善武帝以為阻悍數反

連江縣志

卷之一

建置

一

覆徙其民於江淮間竄山谷者後稍出自立為冶縣治山今

府城東北隅將軍山也閩越故城在此其西北有歐冶池閩地在秦漢以前其沿革大

率如此而温麻之名無考至吳景帝遣潘璋造船於閩始以此為船屯後名温麻鎮屬建安郡晉太康三年升為温麻縣連之建縣始此屬晉安郡陳光大元年改晉安為豐州隋開皇九年改豐州為泉州温麻皆屬之大業三年復以泉州為建安郡領閩建安南安龍溪四縣省温麻入閩縣唐武德改為建州又改為泉州王義童復析温麻地置縣改名為連江始此義童武德末都督又析本縣東北地置長溪

縣今爲福寧府

俱屬泉州領閩候官長樂連江長溪五縣開元

間改泉州爲福州天寶初改爲長樂郡大中元年觀察使
韋岫復析連江北一鄉爲羅源場是長溪羅源亦皆溫麻
故地也五代唐同光四年王審知死子延翰僞建大閩國
長興三年王璘代立僭號改元升長樂府領縣十三連與
閩候官長樂長溪古田尤溪永福閩清福清永貞源卽羅寧
德德化皆附焉宋眞宗乾興間復改長樂府爲福州時析
尤溪歸劍州析德化歸泉州而於閩縣九鄉增置懷安連
與閩候官懷安長樂長溪古田永福閩清福清羅源寧德

連江縣志

卷之一

建置

二

爲縣十二淳祐中復析長溪西鄉置福安仍爲縣十三景
炎元年端宗卽位升福州爲福安府元稱福州路至正末
爲陳友定所據洪武元年又改路爲府先是長溪於至元
間升爲福寧州至是復改爲縣俱屬福州府成化九年仍
以福寧縣爲州不隸府析福安寧德屬之萬曆八年省懷
安入候官福州止領縣九連次居五

大清順治三年平閩因之乾隆元年析古田地增置屏南
縣福州領縣十連次仍舊連自晉太康壬寅稱溫麻縣至
乾隆己未爲縣共一千四百五十八年也

分野志

周禮保章氏以星土辨九州之地分野之說其來遠矣當時州僅有九野亦僅分爲九閩粵荒僻未列於州數也秦漢以後披荆斬棘登之版圖閩與吳越並附於揚州之域考歷代天官家言咸云星紀吳越也晉志各言州郡所入度而不及閩然閩於會稽爲接壤故占度同夫星紀一也昔一揚州而分此星位今益以數十州郡而共隸一州星土不無推移前此所言分野猶可憑乎周禮既云所封封域皆有分星則凡諸國中分域必皆有屬鄭元注謂其書

連江縣志

卷之一

分野

三

亡所存可言者十二次耳是古數於今固不得而詳者乎今以十二次言星土則惟僧一行之說認山河脉絡於兩戒識雲漢升沉於四維其占測以山河爲限而不主於州國此其區處分野之所在於諸家爲當知是說可無區閩於吳越即可無區連於全閩矣大抵星紀之與吳越躔次不與國地依其相通者精氣而已精氣通則交貫互縈皆勢之所必達其祥其灾又何吳越與連之別耶遷固之書詳明占驗究所爲大旨皆以其與政事爲俯仰如景象形如響應聲蓋卽周禮以詔救政訪序事之義焉則不絕天

於人而於羸縮差忒之變求端於飭身正事之間人理於斯而盡連雖一隅當亦未可不究也其在唐書南斗牽牛爲星紀初南斗九度餘千四十二秒十二太中南斗二十四度終女四度南斗在雲漢下流當淮海間爲吳分牽牛去南河寢遠自豫章迄會稽南逾嶺獬爲越分宋兩朝天文志天市垣二十二星東西各列十一星其東垣南第六星曰吳越元史曆志吳越分星紀之次注以斗四度三十六分六十六秒外入吳越分星紀之次其分秒與唐書頗有先後至明清野類書以爲閩越并屬斗牛之分一統志及八閩志又以閩屬牛女夫統言之則皆丑分星紀之次詳析之則當起自女四度迄牛七度云

氣候志上

唐詩云塞上綿應折江南草可結又云長沙卑濕地九月未成衣此在吳楚猶然况連處東南極偏霜霰稀零林葉弗換罽栗少發河漸未堅北人旅寓不畏隆冬祇懼溽暑地氣迴殊節候靡屈然今亦有遞變者故老云啓禎間青女罕晤滕六有未識面者今霜在冬月可十數下至康熙庚午連下逾月荔枝龍眼樹爲連土產者條榦盡枯雪則不數年輒一下雍正己酉正月連下三日夜平地深二尺許高山竟月未消皆從來所未見也故老又云前輩着袷

連江縣志

卷之一

氣候

五

衣便足禦寒綿已爲奇溫今冬至前後畧計有旬餘可披重裘雖雨雪折膠不在沍陰而在春陽與北方亦爲少異然據故老所云天地之氣潛移迴非故迹也僉謂本朝龍興北地氣化自北而南故今昔變易斯言爲近若夫草木萌於震動蟄蟲坏以雷收節物衰榮率如月令大都可準之中州焉

氣候志下

風候

潮候

夫大塊噫氣蓬蓬乎起蘋末以周虛空而蓄洩於尾閭則
倏而洶湧轉以澹涵是皆鴻鈞之鼓盪樞軸之斡旋也連
稱水國出入往來生與之習其衣食於漁者又分農桑之
半當和風徐扇千里一碧平流如掌望島嶼若列眉或乘
乎不測而激揚燁怒鬼神憚赫舟出入於擊浪翻濤之際
呼吸而死生矣故相風視波古人慎之至夫理櫂晨津張
颿夕渚沿溯之間與潮上下是必按候而興計時而息卽
長年三老有不能違也期信靡忒頗亦得詳 濱海多風

連江縣志

卷之一

氣候

六

有所謂暴風者俗訛暴爲報按芭經云終風且暴則言暴
爲近古但凡諸神誕日謂有此風必無以神明而行暴者
今姑就俗所訛爲報而言每月值初三十八日每旬值七
八九日皆爲報期諺云七無報八栖皇八無報九夜不得
到天光又云無事七八九莫向江中走
皆言其必有也至逐月內時別有報大約報風自九月初九日而
起謂之重陽報十二月二十四日爲竈君報以是日爲民
間祭竈之期故云正月初九日爲玉皇報俗言是日天帝
誕辰也最宜有風報有則夏秋間颶風將作漁家望天色
日色雲色水色預知違避無則驚風驟作多不及防輒至

覆溺

諺云玉皇無報漁家勿做

正月二十九日爲烏九報考古云高陽

氏子饑凍正月晦日巷死世於是日作糜棄破衣祝於巷口名送窮謂之窮九節今以窮九爲烏九或以晦日故言烏但風報之至豈不才子固靈耶三月二十三日爲媽祖報五月二十日爲分龍報報風至此而止又有白芒報非候間作風起輒有灰塵揚入几席卽衛風所謂風霾注云雨土蒙霧者也又九月內天色晦冥狂飈疊發積日彌月烈於報風俗謂之九橫風橫去聲橫卽暴意至於颶風名爲風灾俗呼爲台或數年一作或一年數作靡有定候風性猛烈

連江縣志

卷之一

氣候

七

至於拔木發屋比報風加甚然皆作於五六月而七八兩月尤多古云夏秋之交大風名颶風言具四方之風也有此風必有大雨其先有如斷虹之狀者見名曰颶母又名破帆風然則颶自音具初不音貝時人誤颶作颶以颶報音近乃合颶與報而一之不知颶於夏秋乃作報則發於秋季止於夏中且報古音爲颶其行以東北止則自止與颶風之或行北或兼行西北東北必回南風方止或行南又必回北風方止皆不得而同也憲副宋溟航海風信引言畧云清明以後南風爲常霜降以後北風爲正

南風壯而順北風烈而嚴南風時發時息恐風不勝帆故舟以小爲穩北風一發難止恐帆不勝風故舟以大爲穩海中之颶四時皆發夏秋爲多所現氣如虹如霧有風無雨名爲颶夏至後有北風必有颶當作信風起而雨隨之越三四日颶卽倏來少則一晝夜多則三日或自南轉北或自北轉南必候西風其颶始定然後行舟土人謂正二三四月發者爲颶五六月發者爲颶颶甚於颶颶急於颶舟在洋中遇颶可支颶則難受蓋颶風散而颶風聚也按此特誤報於颶而所別颶報非與連殊惟謂颶之爲

連江縣志

卷之一

氣候

八

風四時皆發則見聞殊異豈臺澎風信未可以連概之歟

附連港避風泊船要處長澳在定海界內北風可泊船
蠣塢在小亭界內此處可避風下宮口下與裏洶門口

沙灣俱在馬滬海 候潮之法以太陰每月所躔而定其

消長然月順天行積三十日始一周故每日所臨之位時有先後潮因之晝夜凡再至早晚之不同連海水潮汐分爲一十五節初一十六晝潮卯正三刻汐則午夜潮酉正三刻汐則子初二十七晝潮辰初三刻汐則未夜潮戌初三刻汐則丑初三十八晝潮辰正三刻汐則未末夜潮戌正三刻汐則丑末初四十九晝潮已初三刻汐則申夜潮

亥初三刻汐則寅初五二十晝潮巳正三刻汐則申末夜
潮亥正三刻汐則寅末初六二十一晝潮午初三刻汐則
酉夜潮子初三刻汐則卯初七二十二晝潮午正三刻汐
則酉末夜潮子正三刻汐則卯末初八二十三晝潮未初
一刻汐則戌夜潮丑初一刻汐則辰初九二十四晝潮未
初三刻汐則戌中夜潮丑初三刻汐則辰中初二十五
晝潮未正一刻汐則戌中夜潮丑正一刻汐則辰中十一
二十六晝潮未正三刻汐則戌末夜潮丑正三刻汐則辰
末十二二十七晝潮申初三刻汐則亥夜潮寅初三刻汐

則巳十三二十八晝潮申正二刻汐則子夜潮寅正二刻
汐則己未十四二十九晝潮酉初一刻汐則子夜潮卯初
一刻汐則午十五三十晝潮酉初四刻汐則子末夜潮卯
初四刻汐則午末此潮汐以通濟橋下爲期與海中差有
先後蓋地氣使然朔望三日潮勢極盛矣

風俗志 上

舊志云連俗素稱簡朴家尙禮讓人恥輕薄有古之遺風至明之末季則競奢靡好詞訟隨流而下固其所也今則月異而歲不同有大非疇昔所見聞者飲食則若流矣婚姻則論財矣訟獄則連年不解矣喪葬則數世不舉矣大抵地遷民困惟利是視井邑錯雜不復盡故土之民故風移俗變易如反掌此志作於康熙癸亥脩通誌時距今幾六十年而連俗遞移亦復異同叅半鄉饒魚稻易給資求故家習鍊珍人甘軟飽率以爲常及燕會之間豐華相尙

連江縣志

卷之一

風俗

十

觴酌樽俎過程度而不自知日焉益甚矣而婚媾之間猶爲嚴於非耦較辨薰蕕非盡利金夫徵百兩雖淳朴不逮古而繫羊賣犬或亦未嫌儉率也古者葬有常期庶人不爲墳土崇四尺而已連俗多踰制堂坊巍聳皆甃石所成計工累月產竭中人之十苟非是不美觀又惑於青烏家言載卜載止迄出祖無期有以待之孫子者今猶不乏矣而雀鼠之爭時卽未絕顧沸而隨寂問所爲束矢鈞金久入公庭而不悔者蓋亦無有則終訟之風殆稍衰焉至今昔風尙美惡互更尤不一事數十年前家有喪者戚里相

率弔是夕喪家輒用鼓樂謂之娛尸今一切知屏之前此喪禮恒簡畧五服或不辨母黨妻黨無問矣今士人家悉遵家禮服制必嚴又往者里巷多無賴以椎埋占籍軍伍掉臂出入市人莫敢忤視不肖子或從而效之今皆循循畏謹毋復爲非惟夫嫁娶者雖稱其家猶以不及人爲耻爲子弟求師則脩脯不能具者有之故有金嫁女無金教子傳以爲笑呼盧賭勝昔在城市近者鄉野間悉樗蒲聲燈夕婦女出遊舊俗也比來清明踏青端陽競渡男與女時踵接而舟錯焉此則風之益下者耳所可喜者韋素單

連江縣志

卷之一

風俗

十一

寒之士傳世清貧一經自守凡在詩禮之家舊德敬承而廉隅益飭無累於有司若夫閨門許字義重一諾臨喪殉烈視死如歸其或雁影早孤鵠歌言志上自名門下逮婢妾率多芳齡矢節白首完貞壺閣清風恐他邑或有未及他如山居而夫力耕耘婦勤織紉濱海而男事漁釣女治醫眾勤儉之遺依然猶昔戴禮云陳詩以觀民風風在下也孔子云君子之德風則言自上以及下也審澆淳別淑慝整其教化以齊之俾同歸大雅若瑟柱之施不必一度欲中音惟所推移耳是固在君子哉

風俗志下

歲時

觀夫七月之篇所叙豳民室家鄉鄰之相勞苦與所以祀先奉上者纖悉周詳可以覘仁愛焉可以想誠敬焉可以識忠勤焉風於斯美矣後人作歲時記瑣陳習尙事或不經多非古昔而閭里禮節人情醇薄猶得而徵爰取斯意間雜雅俗以識土風固得失之林而輶軒之採所及也

立春前一日里長結綵亭故事縣官率僚屬祭勾芒於東郊執事者各執春鞭綵花迎土牛詣縣門經民居街巷捨紙錢撒鹽米蓋迎神却祟之意當日祭太歲畢行鞭春禮

連江縣志

卷之一

風俗

十二

碎土牛民間啖蔬餅蔡襄詩春盤食菜思三九林迥詩青韭供盤飯面團 元日祈年隔歲晚邑人皆嚴潔廳宇脩酒果楮幣次早黎明家長率卑幼陳於廳前焚香燭拜上下神祇以祈靈貺次設筐酒飯饌祝拜家先畢詣拜里神隨入祖廟合族序拜各分柏柿橘二枚謂一年百事吉之兆 賀年縉紳及諸生率盛服詣官師將弁投刺稱賀隨及親族鄰里往反更謁庶民家不上謁而相慶賀皆然盡節假乃止 迎燈邑人以杉葉或長草葉山茶花粧成燈毬前導次牌燈別爲境書名及元宵古句彩燈熒熒綴後

盛張鼓樂老幼同遊沿街遍繞起初一夜迄初十夜 迎神五日鷄初鳴各致潔果酒香燭迎拜五祀鄉社諸廟上塚五日外謂之開假城內外居民各携長幼持楮幣拜掃墳塋 供過初十早各鄉宰牲備儀擇潔淨家設案焚香禮諸神是夜燃火爆中衢鼓樂喧沸至曉方止相傳元時大帥按戢閩中邑人納貢歸附境內祈禳以供其過後遂爲俗 上元舊俗凡五夜自十四至十八止後至二十二夜乃知縣錢九思所增也今或有自十三夜至二十夜止者 祖廟及里社內各焚香燭城中居民作燈市采松竹葉駕鼇山於

通衢上綴諸色華燈是夕擊金鼓治酒食相慶謂之賞燈又十四十五二夜瀕江之家備燈集鼇江橋下候潮至燃置水上順流蔽江燦若繁星光映波心名曰水燈 延師宋明之世鄉里各有社學歲前二三月父兄相與議求有學識行誼可以師表後進者一人推有力爲糾首列諸生名於闕敬謁以請既許可至上元後卜日具禮延於學子弟迎謁四拜執經受業故師之爲教有方而子弟之爲學甚篤人才之盛蓋彬彬焉近者我求童蒙爲父兄者曲狗請託於師不復有擇而子弟亦往往以其意自爲從違蒙

養弗端聖功奚藉無怪日浮靡而不知所止也 二十九

日家家以芋菽及諸時果和米作糜或相饋餉名烏九粥

上巳三月三日備牲酒至南宮謁拜英顯神以除不祥

祈獲新福亦被禊遺意 清明是日比戶折柳插門試新

茶用細艾葉搗勻和錫米爲餠互相餉遺當卽青粉團烏

柏飯之意大姓有贍塋田者乃合族人奠祭墓下畢而燕

飲欸洽竟日貧無田者亦具牲酒祭焉官以羊豕飯酒祭

邑厲壇各里亦然 四月初八日浮屠氏浴佛遍走里巷

謂之洗灾俗訛云洗菜 端午是日緣門懸菖蒲於戶以辟沴

連江縣志

卷之一

風俗

十四

氣鄉村皆採揀木葉插之謂可禁蚊小兒女繫五色絲於
臂項名曰長命縷兼佩朱書小符古詩所謂辟兵已佩靈
符小續命仍縈綵縷長者也至七夕始解棄之婦女多剪
繭爲花併艾蒲根簪髻當午飲菖蒲酒採諸藥品蓄之用
箬葉裹粘米作三角狀名曰糉以爲節物先合牲醴楮幣
薦於祖考後相餉遺 競渡城中及附郭諸社各造龍舟
隨地別色自初一至五日集鼇江上旁午鉦鼓喧闐共鬪
輕駛爲安樂節又有岸舟以紙爲之旗鼓導迎次日焚於
水次以爲送疫按荆楚記屈原以五月五日死於汨羅人

競以舟振之後四方相承遂爲故事然舊俗本以五日今俗則皆數日間舉國若狂矣唐元稹詩畧云楚俗不愛力費力爲競舟買舟俟一競競斂貧者賕朝飲村社酒暮椎鄰舍牛祭船如祭祖習競如習讐連今數十日作業不復憂君侯選良吉會客陳膳羞畫鷁四來合大競長江流建標明取舍勝負死生求一時歡呼罷三月農事休又古詩畧云鼓聲三下紅旗開兩龍躍出浮水來棹影斡波飛萬劍鼓聲劈浪鳴千雷前船搶水已得標後船大勢空揮撓瘡眉血首爭不定輸案一明心似燒吾今細觀競渡兒何

殊當路權相持不思得所各休去會到摧舟折楫時詩不爲連作其於靡物力而輕生鬪狠之情亦可謂言之曲盡也 七夕列酒果於庭兒女羅拜月下祝牛女二星乞巧以絲線穿針孔引之輒過爲得巧是日以瓜棗之類雕刻爲龍鳳形具茶果獻尊長又食桃仁明目 中元七月十五日邑人多營齋薦亡率就寺觀作盂蘭盆會爲死者解脫是謂鬼節士大夫不崇沙門者惟具酒饌於家堂祭享仍以楮衣逐位焚獻焉官祭邑厲壇如清明各里亦然 八月朔後再舉墓祭謂之秋祝感秋露將降故也十五夜

家家置酒宴樂謂之賞中秋作大餅謂之月餅 重九裹角黍儀如端陽或登高臨賞又謂菊花可以延年茱萸可以辟惡悉飲之簪之蓋本費長房語桓景之說 十月朔爲下元官祭邑厲壇如清明儀各里亦然是月與中元邑人多於門庭或通衢廣陳法供延僧道誦經施齋度鬼亦祭厲意也 冬至前二三日以糯米粉爲節物親戚更相餽遺至日丸之以薦先會飲於家取團圓之義 十二月二十四日祀竈用酒果清茶間以飴蜜俗謂竈神言人過於天帝以此祀之欲其甜口也按陸龜蒙祀竈解竈之壞

者新之旣成擇吉日以祀夫竈在祀典聞之舊矣祭法曰王爲羣姓立七祀一曰竈達於庶人蓋飲食之事先自火紀以來生民賴之祀之可也若曰竈鬼以時錄人巧過上白於天當祀之以致福祥此僅出漢武帝方士之言耳不亦誣乎 祀竈前一二日以竹梢爲長掃箒掃屋宇謂之清塵換桃符易門神以厭邪更春聯謂之迎新餽歲以俗物相遺謂之分年 宿歲家家具餚饌以備新年燕飲又於除日多炊米成飯供獻神祇留爲節假內之儲謂之隔年飯 除夜邑人各於門首或庭中架薪竹滿盆燃之燁

爍有聲謂之火爆按神異記山臊魑犯人則病其鬼畏爆竹聲今人故作火爆李彤亦云元日爆竹於庭辟山魑惡鬼也長幼宴集謂之守歲明燈徹夜謂之照歲夜半占貓犬吠歲多盜貓吠歲多虎除夜前一夕謂之小歲夜亦明燈如除夜然

附 凡葬之期多以冬將爲祖親友率有賻故家則會葬多至數百人喪家治酒陳謝墓下 冠婚連俗久不爲冠女笄猶有之率不用閏歲許嫁而笄夫家則有黏髻資以饋娶婦親迎禮廢婦至門三日廟見拜舅姑於堂婦家多

連江縣志

卷之一

風俗

十七

於是日大會親友以賓禮延其壻亦以女歸名爲反馬生子湯餅有會周月有慶朞而試周別男女用劍戟硯筆刀尺針線並飲食物置兒前以觀所取皆沿江南俗 家有長老逾五十則稱壽多於生辰或歲之元日乞顯者文書屏幃盛樂以內賓客禮雖起於近代而人子曲致其愛於親事所得爲者無不求盡體以人情宜莫能禁焉

山川志上

建都覽六合之大勢建郡與邑覽一方之大勢要皆相山川分會而擇其奧區以爲治所譬諸人身焉山軀體也川榮衛也軀體榮衛固而身可長生山川靈秀聚而人斯永利此辨方正位者所爲必度地以居也連治於省會爲東北隅連山於省會爲東北方屏衛古謂連山自福寧霍童而來連距霍童越數百里支分脈遠難以稽尋舊志則稱本邑祖山有二脈自正北方而來者曰文殊自西北方而來者曰白巖二山各勃萃伏起數十里會合朱步羅崙口

連江縣志

卷之一

山川

十八

以入治此緣舊志失考今據堪輿家詳察白巖山一脈至上社口爲牛溪隔斷實與治脈無涉今惟專主北方鼇峯文殊山入真如由朱步入治爲正脈其西北方白巖一脈至上社山而止爲邑治護脈 正脈自羅源尖山分祖鼇峰過峽稍右曰紫霞山唐尙書張瑩居其下瑩能詩有詩一箭不中鵠

五湖歸釣魚時來鱗羽化平地 上雲衢故其里以中鵠名

左障疊聳曰文殊山治之正

北六十里崔嵬壁立狀如伏獅故名世傳宋林確夜夢巖間電光四起晝往視石罅中有文殊像遂構屋居之其中有洞羣玉峰西危石突然其前平坦昔章壽脩煉之所有

洞曰章突由文殊山南下曰南洋至真如則衆山羣出其

一支東出者入鑪山爲邑治東北方海上諸山祖脈其頂

若香鑪狀道書七十一福地山博厚圓秀從下陟其巔復

地產茶最佳內有磨劍石煉丹井掃有瀑水百餘丈下入

鑪溪十二景之一曰香鑪道飄洒落塵襟瑩樹色澄天鏡白雲

聲透石林栖遲谷未遂徒想謫仙吟鄭霄詩紫蓋香鑪不繡

回削壁勢懸天半雪飛湍聲碎地中雷宋開寶六年禁人

樵採嘉祐三年帝降金龍玉簡以祈聖嗣法侶朝拜其上

王謝仙跡在焉有仙人跡長二尺許宋鄭鑑詩峙立蒼茫

連江縣志

卷之一

山川

十九

術一縷山青其一支東北出者曰大鐘山保安建興之祖山

也勢雖不趨縣治亦與擁從而行至於古圳又分爲兩支

一支爲高洋東下頓起積石文峰如其室相傳元時孝子王大

志居蟾蜍園其母病篤日夜禱告於蝦蟇石上願以身代

母病隨愈後孝子昇天里人見其騎白馬而去至今鄉人

祀盡於東山之文屏山右一支自牛洋經雙髻過半塘逾

元柄起大中山作五龜入海一龜回頭狀是爲馬漚與鑪

峯對峙陳氏世居其地其下爲下井戚少保諱繼光字元

州人爲參將時平倭於百丈巖卽此至一支由真如正出者

羣山擁護高起兩峯西而石漈又西而庄村至山腰度峽

則爲長龍諸地皆大氣所蟠衍也直至龍門峩峩雲構越東塘矮嶺以下趨兩水夾護左從烏巖奔瀉流達財溪右自龍門灌輸出上社入牛溪至此水隨乎山覽形勢者無不井然矣由是更歷三望東南轉矮嶺入朱步至羅崙由塘後上下鳳汀山聯絡伏起由白塔觀音閣寶華山過玉泉逶迤而下實爲建治之所其西曰西山在濂湖上水自即古筠溪文殊山至此約百里許此爲縣之正脈寶華山中有石室頂有塔曰定光佛菴居其中祈夢多驗其勝一十有八曰寶巖曰定光佛曰安居塔曰祈夢菴曰棋盤石曰伏虎石曰飛龍石眼泉曰天窗洞曰仙踪石曰松下石曰羚羊洞曰飛龍

連江縣志

卷之一

山川

二十

巖曰天生石柱又名三棲僧亭二景之一堂曰寶華晴嵐趙善謚詩曰淡拂山僧帽閒隨野客衣日斜涼吹起林壑更依依數武毗於玉泉山亦有寺唐天寶中賜額大中玉泉寺名公鉅卿多誌其勝李彌遜詩山浮羣玉碧空沉萬頃光涵幾許深梵剎樓臺噓海蜃洞壺日月卷虛金秋林結綠流心十二景之一曰玉山聽泉吳孔錡詩鳴泉出澗味不關心十二景之一曰玉山聽泉吳孔錡詩鳴泉出澗潔而瑩洗耳試聽餘響自心清護脈曰白巖山治之西北六十里高聳夙出雲表爲西北方羣山之宗中有寶應淨居二寺南有東禪法華院北有雙溪道院自西而下入白蓮山利畚西山又由松光至陀山高峻峭拔中有寺曰美

肇山下民居稠密成市曰陀市又東越周溪口入西上社

山而止於牛溪與東上社黃灣溪東山隔溪對峙朱步一

一大支入縣治西分為真如脉西方拱輔 治南案山發脈

自候官壽山至連界曰湯嶺山下多列旅舍名湯店自此

漸東曰雲峯山曰寶溪山大溪出其右曰張旗山衆山飄

揚如旗故名曰文筆山雲一名形如筆卓其巔正辛其高千

餘仞甲於諸峯何勝其偉靜對正位金方肅孤亭自柱一排雲避

高筆鋒兒孫觀衆岫四海此朝宗十二景之一曰文筆春烟

和宋釋褐高夢月家居其下自西而南曰金雞山相傳山

連江縣志

卷之一

山川

二十一

石有聲剖之見金雞飛去故名於唐鄭漳督兵討黃巢歿曰

覆釜山鼎亦名中巖洞多而奇有寺今廢釜十歸二樵周正一子曰覆

暮烟凝澗壑晚唱起巖阿白石擔如堪煮何人隱薜蘿山南

之下寺曰石門環山景凡十中一曰石門巨石雙峙道出人

遊一未歸曰苔深鎖春色不放曉雲飛又石門斜照為一片石為

佛龕林中陰島濕花露石靈宅洞府何怪石變入萬狀可尋源竟

路無盡忽有起雲霧微徑青灰晚去風塵外杳靄心目醒幽興

殊未已又還宿雲然瓦悲柱又朝不椽雲堂覆其下鄭霄詩山

曼卿可有否牡丹石假龔三况詩霞人襯衣紅有淺烟粧髻黛有勻無言洗

山色真好幾度野梅春四曰石鼓圓擊如不鼓是海之鯨音五曰詩半慧
遠得真諦鼓聲生翠岑神丁夜頻擊不鼓是海之鯨音五曰詩半慧
月分洪壯曰清鑿破洞蒼兩碣合彎拄其下半平廣可能坐清數十人何澆必
以清泉盛夏如桃隔王仙德子梨花白羽習明吹我遠山洞口日一逼笑
開烟扉溪水碧桃隔王仙德子梨花白羽習明吹我遠山洞口日一逼笑
天立孤鳥貼地衛人飛濁酒放歌從孟浪流以止射江玄
機七卽覆釜龔况詩人燒痕疑舊爨露氣學晨炊千丈射江玄
影長隨夜月移八斷不鬪平心九曰石魚作潤旁有石如魚擊觸
音操刀逢妙手割斷不鬪平心九曰石魚作潤旁有石如魚擊觸
壯曰詩五辭却江在湖沫門來遊右山潤石有漫五角思鱸客賺如殺釣古魚翁
十壯曰詩五辭却江在湖沫門來遊右山潤石有漫五角思鱸客賺如殺釣古魚翁
誰削碧雲石竊過此山來臺曰矩庾山相傳矩庾二仙所居
文殊不知守竊過此山來臺曰矩庾山相傳矩庾二仙所居
山半有尼院俗呼師姑山下有春隄秋浦雪塢雲潭諸勝
曰南乾山仙人跡棋盤石在焉曰北乾山曰西泉山皆在
連江縣志 卷之一 山川 二十二

覆釜山下其山頂之右隆從秀起隱如巨鼇出海之狀曰

金鼇鼇峯雪霽爲十二景之一古詩陽崖耀初自壽山發

脈由湯嶺界至此爲邑治案山右轉爲五馬山拱峯向治

形如奔馬又東曰大坪山頂坦夷如平地曰旗山有民居

曰彭田舊傳居多富家諺云貴如郝許富如曰玉樓山有

寺高處可觀日出商泊在海中望此山爲入港越又東曰

王孫山曰雲居山山頂石塔二層名爲普光觀日出處王德

溢詩峻層清杪敞孤寒片間雲閣石欄島外點青天一
角山根裊曲路千盤海騰日氣紅黃異地簇峯尖紫翠繁

逐客江湖驚之一弋出聲猶恐日動旁有雲居堂名爲上菴吳廷

石軾王詩德萬壑詩脫烟低古木口入天鉢結磬落奇禾益其景秋最日多出成

面萬竈有烟朝天相屏風石王肅立蒼崖月巔青松障蘿花古篆文老

無翁石苔髮詩石上亂精雲古水中荏苒坤六子在翁豈混沌身未

未耕曾乾石雙脊龜石榻王詩神鼇戴山一陸海化為石天種地破土

混魚茫石嶄然見雙脊隱山之隈年長綠苔風雲不飛去澗泉

跡說是龍尺許又北有二百蚌之殼上有仙人西南有寺名為下菴

寺外有放生池下通大壩有淨居菴明崇禎中僧密嚴所

構菴後有石如屏吳濬達詩孤剝凌崖立千峯擁初日山

光浴古藤地幽人山下有民居曰小壩曰百勝少轉曰東

連江縣志

卷之一

山川

岱山形如真武下降左有旌旗石鼓右有蛇浦龜與斗抵

在前屏障在後又有鷺門石壇皆其一脈周旋延袤拱輔

山下居民稠密科第間出十二景之一曰岱江罷釣古詩

雲間沒風帆鳥外歸竹深江路暗日脈來自壽山由金鼇

案山至此障於大江之東延及小壩牛尾而入於海治

正北屏山曰九龍山山下有民居脈由龍門山會東塘入龍

際山岡巒如龍際水夾澗而出延及九龍山為邑治後屏

超出諸峯古道場在焉世傳有香鑪飛置其上鄉人為宮

祀之今九天宮即其故地也麓南突起曰岱雲山曰龍卧

山龍門東南下一支止於此 治東北方後翼山鑪峯南
下一支至邱儲又分爲二支一支又南入烏巖路通茶隴
其嶺路下達透堡又南曰新嶺入古洞山有巨石仙人跡
二尺許至上王山浦口嵐中爲止一支東入鹿池山畚民
所居下曰龜魚山宋兩優釋褐鄭鑑其里人也又進而東
曰南峯山曰三德山亦名三台山其峯有三列如筆架關
鎖海門與治山文筆對峙宋紹熙時爲儒學案山古有三
台之讖蓋取諸此曰馬鞍山雙巒連聳如馬鞍曰鼇鼻山
秀而特出越此爲小亭定海山脈自鑪峯至此又少北轉

迤連伏起四十里許至北茭山止於海爲東北方左翼
治西北方後翼山白巖北旁對峙亦曰羅漢山脈自羅源
七景塘而來下爲安定**甫**邊東下曰獅山下爲溪東鄭氏
世居焉山頂後曰黃巖山畚民居其上巖石幽異又東曰
崎兜山至陳阪雙溪而止崎兜之背後北轉曰寶林山一
大石形如覆釜又北轉爲松嶺山與中鵠里諸山對峙爲
西北方右翼 治東江岸障峙水口四山一曰斗門山江
南岸邑人吳文華建塔其上以完東方風氣塔名含光有
寺曰含光寺一曰洪塘山江南岸綿亙二里許民居稠密

山盡處砂勢廻轉名老鼠尾與北岸瓦窰山爲對峙一曰荷山江北岸山形如荷葉故名下有寺一曰瀾墩山江北岸與洪塘山相望皆江門之肩鑰也 治東南海中六山一曰荻蘆山在澄巖南嶺下海中秦始皇以東南有王氣鑿山至此得蘆根長數丈剖之有血因名又名九龍山并名其水曰荻蘆峽山毗連曰福斗山俗呼熨斗永樂七年內官鄭和以欽命往西洋築壇於此祀南海神二山與閩縣五虎山遙對爲會城東方海中門戶一曰竿塘山中有白沙境港塍村芹石塘崎石尖孟塽諸地又有上竿塘山舊爲

連江縣志

卷之一

山川

二十五

連轄今割屬閩縣地皆在定海外東南海中明洪武二十年盡徙其民於內地曰東洛山曰西洛山曰西洋山皆在北茭外海中是數山雖不爲邑衛而亦東南餘氣所溢者焉總而論之天下形勢山水而已矣山內氣也水外氣也外氣所以止內氣外氣橫行內氣正生故千百里名山延袤必有川流縈絡以爲之歸宿連治襟帶之水近者莫如龍門然龍門之水發源嶺頭故觀近脈者必自龍門嶺頭始遠者莫如橫溪然橫溪之水發源施洋故觀遠脈者必自施洋始再遠出祖之水發自鼇峯故觀祖脈者又必自

鼇峯始其餘莆邊之水出自七景塘寶林之水出自長熙
貴安之水出自小滄雖總滙於羅崙特其旁支分注不必
爲一脈所迴旋也羅崙以下周身纏護環抱治前屈曲而
東由治而觀枕山帶江羅城完固誠洋洋鉅觀矣至於出
口有斗門諸山以爲內關又有岱峯衆山以爲捍門華表
餘氣復行數十里左有蛤沙當沙以爲外護右有大小墘
定安以爲外衛地戶可謂牢固而周密焉是故縣治其腹
心也文殊諸山其元首也嘉上里諸山其咽喉也馬滸五
圖其左臂也安定諸里其右臂也奇達北茭延海則左股
不誠爲連民圖千百世之利哉

也永慶岱雲則右股也百體堅強榮衛健固生人於以享
大年則夫永臧之卜宜亦有然在當日之景岡而度流者
言川之大者莫過於海江次之連治東南巨浸江則西滙
衆流而下注者焉由江口之馬頭環一折再折而名淡水
崎者是江海交接處也經山藏洪塘幕浦浦口東岱計三
十里則海水洋洋矣由此而松塢而中麻而蛤沙而東坪
而小亭至於定海水洋距邑治七十里外此有雙龜五虎
日月兩嶼上下竿塘總督姚啟聖駐師之樂平沙皆環拱

海濱爲漁船停泊之所轉而東北則安海黃崎苔綠北茭奇達入濂澳門而至馬凘內成一小海其島有前嶼擔嶼下與漁舫數百營生於此雖北茭之汛屬閩安苔綠屬之連營濂澳屬之羅營而地則連轄外津也惟西洋之西南爲連東北爲福寧疆界久畫判不相蒙其自江南鋪右旋至下塘館頭與閩縣之拱嶼爲接壤左旋至定安大嶼小嶼百勝則距東岱不遠十里矣外荻蘆七嶼居民雖錯處又海中孤島與長樂之梅花山相望焉以此觀之連疆界廣袤約二百餘里而海之環其外者且三面茫無際涯豈

可以里數計哉江曰鼇江按舊志城南門外鼇江廣四百尺納古田芝浮懷安桃洲羅源黃土三溪之水東下合磁窟峽口則注於海此必有據云然自雍正乙巳丙午連年洪水郡守胡承謀履縣勘災以探討水源屬令於是有陳君元劉爾魁者應命行徧閱上流盡得其詳旬餘而返具爲圖以報則一自古田秀峯寺出一自古田牛頭嶺出水至杉洋一百二十里會流於雙口渡一自閩清二十九都雪峯出一自候官裡數百村出至大廷坪皆一百八十里會流於雙口渡右而寧德之排樓溪羅源之羅溪入焉左

而閩清候官塘下之西峯水入焉又經羅溪口而社坑新德院小王溪靈洋之水合焉又經西峯而徐隆溪大王溪佳湖曲水溪之水總滙於掌瀨掌瀨與小滄對溪故南而五縣寨溪口併候官之曰溪悉注於小滄皆連境也而赤口溪口之水亦入焉嗣是而東北注者爲高岳爲龍潭爲東岸自西南注者爲芙蓉溪爲貴湖溪至陳溪而會流焉陳溪去治七十里以是觀之則連直受五縣之水豈但三溪已哉其東岱山下則爲岱江蓋衍蟾步浦口之流而注於此爲海疆要口云

山川志下

禹貢開輿圖之始其所條列皆九州名山巨川旁礴奧衍於宇宙者他非所悉紀時在刊導特就乎道之所通與派之所達表而出之若其旁分而側出者固不得而詳也夫峻嶺高峯迴溪別浦無非土與水之聚外此卽一止一壑亦皆餘氣所凝連爲邑峙流之中前後左右迴旋映帶咸資勝覽必舉大而畧其細可乎按之方域指則可數畫斯如卽蓋歷歷具存於山之屬得嶺峯巖洞石及巔與礁爲類七於川之屬得溪浦港潭湫泉汀池爲類八

連江縣志

卷之一

山川

二十九

嶺有在邑之南其由治至渡口以達會城者曰館頭嶺亦稱

連江嶺其自上斗門左折而達荻蘆七壩者曰澄巖嶺其至

儒洋道大壩以登雲居者曰儒洋嶺其入秦川以通閩縣之合北里者曰東峯嶺其界於海爲內地者曰馬頭嶺邑之東其道以趨於永貴者曰小壩嶺曰百勝嶺其由之達麻阪下濂者曰南峯嶺其毗於白鶴亦可至鶯頭者曰官嶺其逾此以及象緯上宮者曰坑園嶺其爲北茭所經者曰大卞嶺邑之西其爲福寧連羅滙而達省會爲大路者曰湯嶺自邑治入仁賢安定亦福寧羅源由之達省會者

曰陀市嶺曰俞裴嶺舊傳路爲俞裴二嶺邑之北其聯屬

遏煞嶺徑丹陽北至羅源者曰矮嶺曰三望嶺其達於東

塘洋門者曰龍漈嶺其至洋門以及長龍者曰洋門嶺其

以通羅源者曰東禪嶺邑之東北其下通透嶺五賢鄉者

曰烏巖嶺巖石僅一線其道仄而險巖下峭壁數百丈視峽

氏以五行人稱便工其由烏巖東折而下者曰透嶺 峯居

十二景之一拱而立治南爲案則有鼈峯崔嵬以峙其石

左鬪牛右陽明中如覆釜狀則有覆釜三峯鍾氣於正南

其下爲南宮則有兌峯疊石嶙峋於秦川山上削瓣若芙

連江縣志 卷之一 山川 三十

蓉然則有蓮花峯其在治之西北以高僧得名則有降虎

峯即寶林寺山獨覺林木陰翳時或見猩猩其中則有五

峯治之東北挺然拔立海上得望見之則有陀峯即陀山陀高

至十餘里諸峯環之作五葉青蓮狀則有香鑪峯浮漚堡

海上與鑪峯如相望則有龜峯聳秀於建興積石則有髻

美峯其在治東出雲居之上俯瞰大海則有最高峯 巖

之近而在治西者前後及中凡三皆浮烟點黛遊人登眺

所必及是云寶華巖巨石形如馬距漚堡上相傳戚少保

殲倭處也是云百丈巖堡名馬龍門之東南石峽壁立側

足通之里許爲石巖空其中得大士及倪公像焉是云倪公巖片石起雲居山南僧寮倚爲屏是云獅子巖距安仁坡西三里許峭壁下臨深澗紆爲小嶺陟險而後上是云菩薩巖中鵠之里聳石爲青紫色傍鳳凰而高起者是云紫巖潘昉詩昔人自有兩赤壁此地何妨先紫巖潘號紫巖故也又云何當瀑布山前路卧看飛淙瀉石嵌

洞在覆釜山中邃深可里許爲鼎石洞舊有一線天數不盡闕環覆釜腹背石多嵒砢其度泉流列七碓嶺道緣

而上爲清音洞自一片瓦樓以入有剔透而璣瓏者爲玉華洞北乾山麓徑以盤紆而登爲盤谷洞由秦川蓮花峯

連江縣志

卷之一

山川

三十一

下聯絡里許皆爲洞其以連界畫青芝之一爲虎洞青芝洞甚

多皆龍塘董應舉所闕此洞舊有有穴於凖堡龜峯後爲

青藜洞傍翠林白沙有前令所寄觴詠者爲巖桂洞明縣令劉

熒愛其幽勝上漈之溪古樹交柯臨溪而竅穴爲龍頷洞

石有前人大書深刻者在寶華山二一云紹興己巳趙

端禮李似之蘇粹中仝玉泉曇老訪妙空禪師爲字二十

有三中巖寺廢山爲豪右佔沒後有募一云寶華福地爲

字四餘書迹漫滅不可辨在橫槎江岸者一鐫云奇章別

墅又鐫雪浪雲根蟠龍共爲字十奇章高在玉泉山者一

邑人吳文華福唐葉向高題詩鐫其上在石門者一鐫云

張寶民王晉卿己丑孟夏遊石門為字十有三在秦川者

一鐫云解醒泉為字三地有金雞井在文筆者一鐫云洞天為

字二在澄巖嶺上者一鐫云醉翁石為字三在雲居上寺

最高峯者一鐫云彤雲碧海為字四在坑墩半者一鐫云

入佛境界為字四在菴前者鐫云天上雲居人間仙境為

字八在寶林寺者二一云降虎一云雷移共為字四在定

岐山者一鐫云龍峯為字二在文殊山者一鐫云章突洞

為字三章壽脩煉之所在鼇鼻山者一鐫云小華峯為字三宋紹興甲

連江縣志

卷之一

山川

三十二

戌有鋤夫得一圓石剖其中有此字紹熙元年朔亭蓋其上今亭廢石尚在麗江在東禪嶺者一

鐫云輕避重賤避貴少避長往避來為字十有二在鑪峯

者二其石壁云章仙峯傳為章壽飛昇處其團石云粘雲共為字

五在百丈巖之側者一鐫云漁村為字二地有雙泉陳元登世居其下

在定海龍門洞者一葉子發鐫詩焉在北茭海岸者一石

峽之上有汗吐出云青石溜為字凡三拭之則減少頃復

明土人以為仙蹟焉是皆謂刻石在寶巖之右有若大魚

昂首而向空者是謂鯉魚朝天石在北乾山中有若幞頭

狀苔蘚不生焉者是謂紗帽石在王孫山下有若神鯨者

草叢生其頂則邑人之第者多是謂狀元石

陳文亮詩荷
山東望翠嵐

滴是處危峯插天日峯頭一片狀元紅
雲數千尺扶輿所掌自開闢堪與媧女立
蠹蠹極在雲居山

下有巨石附盤石之上輕指輒動力撼之則否者是謂指

動石山之半有團團成瓣狀如蓮華者是謂蓮華石其散

見可指者謂踏凳石金雞石在蟾步江濱有若脫韁渡流

者是謂石馬其與之對峙大如透白之肉芝是謂石蛤在

龍津之港若為蹄角立天將雨則見其汗者是謂石牛在

塊江中及集上之鄉皆有若吞氣而曳尾者是謂石龜在

漚堡海岸疊石若馬聳峙權奇是謂馬石在龜峯後有迴

連江縣志

卷之一

山川

三十三

掉百丈於大海中者是謂龜尾石在安中有傍於佛寺而

魁然者竅其中探之則香聞於外是謂香石在雲峯山中

有形如月而晦夜能明是謂月石 與為石山浮海中在

新安海岸其名梅嶼在二十六都名墨嶼名洋嶼在二十

七都名月嶼名青嶼

一作星

在集政上里名鶴嶼名前嶼後

與 礁豎石出舟行之下有在荻蘆之港為三蒲礁有在

安慶里海中者為猪頭礁

亦名烏礁

為泥頭礁為白礁

左岸有居

民有在二十六都海中者為三髻礁有自北菱山穿入於

海復為巨石湧出者為北菱礁

北菱漚前有小牛礁
有大牛礁又有覆釜鳥喙

二礁交錯之豎立稍左有仰月山障南巨浪橫激過此者楊必
山障東下之水兩合衝直注茭淞下之橫激過此者楊必
審風八分風雖逆而流出則五順從福寧福安寧德羅源馬淞入
水者此皆可投駛而過若水長面風逆流逆衝冒竟行多亦
順者此皆可投駛而過若水長面風逆流逆衝冒竟行多亦
有不可覆沒者 溪之在治南新安里源出文筆諸山潞洄下

流合浦澈入於江爲民田所資灌溉者名利安溪源出覆
釜山下洞壑深邃合利安之水入於浦者名雪溪地有寺廢

帶赤砂館前流經龍塘以入江者名竹溪治西光臨里有
源出雲峯山上自潘渡凌嶺以下達羅崙縈環民居如寶

帶然者名寶溪潘十二景之一曰潘渡風帆周正子詩雲擁

連江縣志 卷之一 山川 三十四

花開潮滿瀨聲寂山迷雨勢 僻在山隈不通孔道林巒美

秀泉流其間者名蘆溪在清河里有爲橫溪鼇峯長熙甫

邊四水所匯而東入江者名牛溪其石關溪口下爲潭上

接朱翁水合三峽注之牛溪者名周溪其去治七十里上

受候官古田寧德羅源并連界之水以入江者名陳溪治

東嘉下里有源出烏巖亦名百巖 潞水不竭近川居民引爲

埧可以利田流經岱雲塘入於江者名財溪吳沛達百丈巖觀潞詩羅

迷川擅名勝飛際傾百丈高從天半落層巖如瀉掌花噴日
光擅名勝飛際傾百丈高從天半落層巖如瀉掌花噴日

汗小亦於垂珠幌震蕩香毛髮灑洗奇心觀爽有兩 在保安里

而發源鱸峯之北相傳有赤鯉神靈能興雲致雨常潛其

中者名鯉溪其二十八都有自鹿池導源經益砌浦以入

海者名樵溪 浦在新安里矩庠村之西水自大江金鐘

潭口而入夾岸脩篁幽深曲折直接雪溪曰秋江浦無名氏詩

九曲竹筴於浦岸陳道峻詩谷口耕雲舊有藜又寄

輞川壠瀟湘水映秋烟綠矩庠山連午蔭清蟹沸鑪中茶

已熟川鳥呼林下酒初醒求羊而外知音少聊把柴門鎖日

扁江南鋪之東有道利安溪水入大江兩岸翠竹漾流與

秋江浦依稀比勝曰鑄鼎浦以居民多業冶故名舊有郎

亭欽平下里為斗門瀦東湖水灌七里民田下通江潮曰

連江縣志 卷之一 山川 三十五

珠浦又曰東浦嘉下里之堡障江潮繞以行滋民田成膏

腴曰幕浦一名幕川地為古浮洲世傳洪水不二十九都

去治二十里接江潮之水入以漑田曰浦口亦曰永貴里

去治十里江水潮則由外浦上閘環裡浦至洪塘汐則由

洪塘閘而下曰裡外浦皆曰浦頭 港有自邑之江口開

舟越小壩牛尾而入可達館頭至龍臺江者是云荻蘆港

即秦皇帝掘有通流於海為鯉溪之水所經行者是云拱

頭港 潭之在秋江浦口中石為空若覆鐘形有黑鯉

宅之時或燒尾而去者為金鐘潭康熙六年丁未五月二

頃忽又起飛梅洋山隨片有雲來渡之烟飛舞有物躍而去雲薄不能化

落龍千吟尺巨壑潛踪不連光起鼇江疑劍合靈飛三梵閣若湧晴傳天

潭觀已丑音前二閏即月初今神日午騰刻有去龍起水潭悠鐘自懸丈風雲雷

應之前其在寶華山下者為金鼓潭覆釜山中雲霧繁興書

日如晦傳其旁古有牡丹生焉為覆釜潭瓦巨石於橫槎

渡口其下泓深為橫槎潭能潛十餘丈之鯉出則雲雷起

其地為石碣潭依崖壁而水勢滌洄龍亦潛之旱常禱焉

者為小洄潭治東五里傳有歲旱而龍跨江沙湧水數尺

槁苗盡起為漁滄潭水太乙之門治東北三十里高崖

連江縣志 卷之一 山川 三十六

峻險人跡罕到霧霾陰翳亦有龍可禱者為財溪潭治北

三十里洞所深邃吐水澄瑩四時泛溢下注於東湖為洋

門潭即西村龍潭人云舊有龍遊今上下分潭二焉余遊時不

見龍之為靈也然上潭而稍伏則水之歷遠至此而夷水乃

與石為避為讓石讓水而稍伏則水之歷遠至此而夷水乃

之羅琴之瑟之細成文而之小亂成律而石不於流之湍者

耳至間耳敷之聲而漸遠酌而觀忽為震電而為奔雷目聽之妙於漸遠而悅忽

蛟為飛花為舞雪而雨水之泣互角而瀉震耳眩目遊者瞿然而

倘悚然矣此又無足訝也龍與潭下乃復為神安流所居別響透迤

窮出於二無里際而滙暢為東大湖觀矣然一望忽而之盪胸豁而背潁潭也浩乎

擅其兩勝余但不能家耳而頻遊之二十六都舊傳楊八樂則歲得二三焉斯不可以不記

使捉龍之所為松臯潭峽山寺側有孽龍居之寺僧能以

無畏之術弭其怪為鉢盂潭陀山中水盈大石之口下則

深澗傳石旁得龍跡焉為金雞潭亦云龍潭在中鵠紫雲山之

前者為石滄潭治西北安定里山谷中石壁立數十丈下

有靈物潛淵旱禱輒應為赤坑潭其仁賢里之隈僻五峯

聳列地幽邃而水澄鮮傳亦有龍伏其中為五峯潭 湫

之為水清澈不容污有在金鐘潭者有在覆釜山者皆云

龍湫 泉之出西山兩峯間色味澄甘得賜名於朝者有

連江縣志 卷之一 山川 三十七

玉泉在玉泉山下玉泉山麓聖烈祠後於連泉品為第一

飲之可以療病有祠山泉中鵠之寶林院內為高僧法詮

欲建菴而苦乏水得虎跑而出之者有虎跑泉秦川鏗泉

堂之側夾二大石如甃飲醉人可使醒有解醒泉俗呼金雞井

馬漚海中湧為甘則其地之貴者出有石牛泉明孫瑛嘗應之於

田中得斥鹵味在元柄半塘二地有鹹泉其沸出而温可

浴在貴安道旁有温泉宋嘉祐二年縣令朱建二室以別男女之浴或云温泉有二一出

陳山後汀在治西八里舊有朱雀集其上謂之鳳汀有二上

汀今盡墾隱於萬石江心見則邑有登第者形若蝶之舒

其翅謂之蝴蝶案即潮平橋下兩旁沙汀去十二景之一曰與

月生鳳汀猶未沒蝶案已先平拍岸東西治東三里湫流

擁沙於浦激久而可宅可田遂成附郭闐闐之所謂之伏

沙俗亦呼白沙十二景之一曰沙雨牧鄭建翰詩來思

中短蓑雨池有為祝聖道場而闢者一在邑治之天王寺

宋咸淳六年縣令宋日隆所為也後移道場今於通濟橋

在所一在治東龍興觀之左自前明而始創也今池為沙湫

蔬一在治西名曰瑞蓮宋天禧乾興每聖節則率僚屬命

緇流釋鱗介其中一在治南斗門山麓名曰瑞墨以水色

連江縣志 卷之一 山川 三十八

常黑故墨之傳其溢則邑之登科者多故瑞之也此池尚

漑田水是皆放生池其在治東二十九都有曰洗馬池

疆界志 上

古諸侯世守所受地畫區域而治亦計尺寸而爭其於疆界蓋綦重哉今海宇一家所謂郡邑者猶一巨室中前後左右少隔短垣焉耳雖然亦既剖其土而分寄之則此疆界中皆當思夫治其民以著其德而極其才道所施行俾質成者履之而知媿寇掠者望之而弗入雖鄰封接比而治教之得失以分風俗之澆淳亦以辨若有故而據以交推互諉曰此我疆也此爾界也則計之下焉者矣連東一百四十里界二十六都之北茭入於海東之南界入海之

連江縣志

卷之一

疆界

三十九

閩縣境

舊志作長樂縣誤

東之北至羅源縣一百二十里界九十

里建興之北宮亭西一百里界安中之小滄西之南至會城一百里界四十五里湯嶺之茶亭西之北一百里界定之瀾水南二十里界館頭之新道秦川北至羅源縣一百里界六十里之東禪龍門自東徂西計二百四十里自南徂北計八十里截東西之長以補南北之短已百里有餘雖僻處海隅準諸周制封建之始是亦一大國也君子常於此觀政焉

疆界志下 里圖

先王度天下全勢爲制域以方乎其外至各爲國之中自比閭鄰里以及鄴鄙縣遂亦必經畫周詳如璋之判如珠之聯使皆掌其政令而稽其人民當夫無事則安居樂業有事則按籍徵發故治天下以及一邑有以身使臂以臂使指之形此後世鄉都里圖所由昉也連舊有五鄉統里二十宋分爲七鄉統里二十四元復爲五鄉統里二十一更立四都明初因爲五鄉省四都爲三都省二十里爲十九里嘉靖十三年壬子復爲四都二十里統圖四十二大

連江縣志

卷之一

疆界

四十

約前數朝立法率皆以鄉統里里復分圖有一里而爲一圖有一里而分爲二圖爲三圖爲四五圖者民居稀則分圖少民居密則分圖多至所謂都則不隸於鄉里自爲一方里數而爲之具列

其在治西北之一里爲起也圖五曰上一 上二 上三

上四 上五 地名九曰城西 四宿俗作秀 小巔

青塘別名梅塘

東湖 蓮花裡 崇壽 矮嶺 禪林前

右欽平上里一里分五圖

其在治東北之一里爲起也圖五曰下一下二下三

下四下五地名十七曰城東白沙即伏沙浦下

舊云東浦龍卧 毘屯 烏石 岱雲俗呼大門 石頭 山下

西林前 斗門頭 崇慶 灣裡 劉家洞 黃家墩

宅柄 縣尾下 右欽平下里一里分五圖并上共里

二圖十屬寧善鄉

其在治西右路之一里爲起也圖一曰清河 地名二十

四曰祠山前 玉泉山 社稷壇前 觀音塔 白塔

小灣別名松灣 上鳳汀俗呼長汀 下鳳汀俗呼下筧 石碣俗呼後塘

連江縣志 卷之一 疆界 四十一

羅崙 朱步 崎頭 黃灣 溪東 上社 義洋 陀

市 陀嶺 周溪 陀口 白蓮嶺以上今地名 福興寺

鐵場 繫牛坪以上地名舊 右即清河里

其在治西左路之三三爲起也圖一曰光臨 地名十八

曰橫槎 白芒灣俗呼張旗 小梅洋 大梅洋 寶溪 凌

嶺 潘渡 洪坑 雲峯俗呼楓坪 蘆溪東 陳洋 湯嶺

兜 貴安俗呼菰灣 柑灣俗呼今地名園 洄口 洄裡 鎮

坪 甫頭以上地名舊 右即光臨里

其在治西之四十五里爲起也圖一曰安中 地名三十

八曰仁山 坡西 楓潭 蘆瀨 高岳舊為大 小滄

虎頭山 赤石 東岸地名上今 溪裡 西山 南山

甫邊 翁坪 白巖 瀨頭 赤猴巖 上塘演 梅

洋 黃連坑 白馬巖 香菴 赤崙 小圳 東坑

上寮 下寮 赤洋 東洋 朱洋 掌瀨 溪西 圓

阪 靈科 水溝 東馬 葛尖 章洋地名上舊 右為

安仁上中里併上共里三圖三屬太平鄉

其在治東北之六里為起也圖一曰嘉下 地名八曰龍

漈嶺 鄭崎 東菴 官巷 財溪 幕浦 杉塘 浦

連江縣志 卷之一 疆界 四十二

口 右為嘉賢下里

其在治東北之四十里為起也圖一曰嘉上 地名二十

一曰茶隴 下洋 黃家墩 官倉下 邱儲 蘇坑

院後 東嶺嵐下 洪樵 新安壘壑 高洋 眞如

光化地名上今 九灣 張家灣 鄭家灣 郭家灣 唐

灣 余家灣 翁家灣 檉樹墩地名上舊 右為嘉賢上

里

其在治北之十里為起也圖一曰賢義 地名十四曰東

塘 洋門 祠臺 賢義 宏路 桂林俗呼嵐 朱灣

陳坑園 巖下 朱福嶺地名上今 三望嶺 澗闌 前

甫 李灣地名上舊 右卽賢義里

其在治北之三十五里爲起也圖二一曰安義 地名十

八曰山邊 溪尾 虎坑 新洋 茶園 上下洲 丹

陽 花園 文殊 王庄 坑口 尖山 前園地名上今

芟塘俗呼西塘 武林 萬象山 寶恩寺前 鄭家浦以上

名舊地 右卽安義里

一曰中鵠 地名二十四曰山兜 前林 東禪 曾灣

杜棠 松嶺 古竹 寶林 洋頭 旗溪 鳳巖

連江縣志 卷之一 疆界 四十三

南阪 過樓 上樓 蘇厝裡地名上今 新店 潘家崎

東山下 上鄭 下鄭 范家墩 後甫 鍾坑 後

坑地名上舊 右卽中鵠里

其在治西北之三十五里爲起也圖一曰仁賢 地名二

十七曰大倉 朱坑 後壠 溪邊 東阪 山坪 蓼

沿 崎兜 白沙 翠林 朱翁 大阪 仁阪 東菴

橫嵐 王坑 總洋 邵地 定田 利畚地名上今

饅頭山 徐灣 洋灣 塘後 白巖 寶應寺前 坪

對地名上舊 右卽仁賢里

其在治西北之七十里爲起也圖一曰安定 地名二十

三曰大溪東 廣化 甫邊 瀾水 林宅 茶園 障

後 中蓬 龍潭地名上今 上鄭 下鄭 圳尾 東充

重裡 新村 菴東 斷流 牆頭 牆前 南園

顏坑 聶園 登仙橋嶺地名上舊 右卽安定里併上共

里七圖七屬名聞鄉

其在治南之二里爲起也圖一曰新安 地名二十一曰

矩庠 利坑 官莊 秋江浦 石門 東峯 赤砂嶺

兜 秦川 東邊 館頭 大桃源俗呼大門長 小桃源俗呼

連江縣志 卷之一 疆界 四十四

小長門 門邊地名上今 水南 橫溪 荻蘆 赤砂館

欄坑 斗門 法巔 拱巔地名上舊 右卽新安里

其在治南之五里爲起也圖一曰慶一 地名十一曰東

山 南塘 蘇彭 院裡 巖庄 上斗門 下斗門

下崎 前坑 鏡路 見龍臺

其在治南之十里爲起也圖一曰慶二 地名五曰花塢

儒洋 大塩 長沙 定安

其在治南之二十里爲起也圖一曰慶三 地名八曰東

岸 下邊 後沙 蓬崎 定崎 塘下 福斗 泥塢

右俱安慶里分爲三圖

其在治東之七里爲起也圖一曰永四 地名四曰荷頭
三子崎 山藏 洋邊

其在治東之二十里爲起也圖一曰永三 地名九曰上
際 南山 外浦 裡浦 蟾步 白宮 張家灣 洪
塘 東岱

其在治東之二十里爲起也圖一曰永二 地名四曰坑
裡 湖裡 小壩 洋西

其在治東之三十里爲起也圖一曰永一 地名三曰百

連江縣志

卷之一

疆界

四十五

勝 關頭 東岱 右俱永貴里分爲四圖并上共里三
圖八屬永福鄉

其在治東北之五十里爲起也圖二一曰德一 地名四

曰透堡 壠柄 拱頭 田墘

一曰德二 地名四曰透堡半街 拱頭 尖墩 龍頭

右俱安德里分爲二圖

其在治東北之六十里爲起也圖二一曰保一 地名五

曰馬漚 辰山 庄邊 東村 鯉溪

一曰保二 地名三曰馬漚 辰山 館讀 右俱保安

里分爲二圖

其在治東北之七十里爲起也圖一曰建興 地名九曰

儒宅 梓錦俗名土坎 倉前 赤石 浮曦 北山 高墘

南洋 巽嶼 右卽建興里

其在治東北之七十里爲起也圖一曰集一 地名五曰

前嶼 嶼頭 嶼尾以上今地名 潘門前 九峯庄前以上舊地名

名

其在治東北之六十五里爲起也圖一曰集二 地名八

曰洪下下園 坑園 象緯 顏崎 上下宮 郭婆

連江縣志

卷之一

疆界

四十六

飛紅以上今地名

宮灣舊地名

右俱集政下里分爲二圖

其在治東北之六十五里爲起也圖一曰集三 地名四

曰洪下上園 文頭山 鶴嶼 鶯頭

其在治東北之五十五里爲起也圖一曰集上 地名十

九曰白鶴 官倉阪 麻裡 洋尾 石龜俗名呼石菰 塘邊

下濂 浮網 北番 燕窩以上今地名 梅洋 上村

下阪 塘口 五漈 北岸 峽山寺前 彌勒寺前

南峯嶺兜以上舊地名

右俱集政上里分爲二圖并上共里

五圖九屬五賢鄉

其在治東之二十五里爲起也圖一曰二十八 地名十

二曰小樵 大樵 樵頭 松塢 中麻 官嶺 蛤沙

南峯嶺 三坑口地名以上今 鏡前 蓬洋 徐山南洋

以上舊地名 右爲二十八都

其在治東之十五里爲起也圖一曰二十九 地名十九

曰上王 塔嵐 浦口 益砌 磁窑地名以上今 半嶺

後山 王崎 周坑 田頭 田中 官路邊 上窑

牛洋 墩上 蕭坑 樵保 南山 保福寺前地名以上舊

右爲二十九都

連江縣志 卷之一 疆界 四十七

其在治東之六十里爲起也圖一曰二十六 地名二十

二曰官塢 安海 黃岐 大汴 小汴 小邦 赤墘

赤財 後財 苔綠 奇達 北茭 松臯 江觀

上塘 下塘 後灣地名以上今 雙嶼 仰月 東路 西

墘 後洋地名以上舊 右爲二十六都

其在治東之五十五里爲起也圖一曰七二 地名四曰

東坪 蠣塢 小亭 大亭 右改二十七都二甲爲今

圖

其在治東際海之七十里也圖一曰七一附總 地名一

曰定海 右改二十七都一甲爲今圖

考興依山廢或海流各亡轉徙居多錯處非其故計今頗取繁而落之今存昔者彙稱列或
於弗芟爲俾今地名其獲不從參考者亦竊望承於平日久之休養生息存
漸人復也富庶爾土田

連江縣志

卷之一

疆界

四十八